

Sarajevo, 23.11.2023.godine

**Klub SDP-a u Skupštini Kantona Sarajevo
Predsjednik kluba zastupnika Davor Čičić**

ZA:

BOSNA I HERCEGOVINA

FEDERACIJA BOSNE I HERCEGOVINE

KANTON SARAJEVO

SKUPŠTINA KANTONA SARAJEVO

n/r Ministarstvo kulture i sporta KS

n/r Zavod za zaštitu kulturno historijskog i prirodnog naslijeđa Kantona Sarajevo

n/r Ministarsvo za boračka pitanja KS

U skladu sa članom 106. i 213. Poslovnika Skupštine Kantona Sarajevo, dostavljam:

ZASTUPNIČKA INICIJATIVA

Prema **Ministarstvu kulture i sporta KS , Zavodu za zaštitu kulturno historijskog i prirodnog naslijeđa KS i Ministarstvu za boračka pitanja KS**

Da Zavod za zaštitu kulturno historijskog i prirodnog naslijeđa KS izradi elaborat o zaštiti kako bi se zaštitio objekat bivšeg Doma penzionera Novo Sarajevo, ulica Aleja lipa 56, lociran na k.č. 1151 K.O. Novo Sarajevo II kao objekat značajan za kulturno historijsko naslijeđe KS.

OBRAZLOŽENJE

Zavod za zaštitu kulturno historijskog i prirodnog naslijeđa KS u svom mišljenju broj 1376/23, Z14, Z20 od 12.10.2023. godine je naveo da na osnovu preliminarnog pregleda objekta i ambijenta u kojem je lociran, objekat bivšeg Doma penzionera u ulici Aleja lipa 56, lociranog na k.č. 1151 K.O. Novo Sarajevo II, zaključuje da objekat posjeduje i arhitektonsku i ambijentalnu vrijednost i da bi kao takav trebao biti sačuvan i zaštićen.

U tom mišljenju je još navedeno da je Objekat građen 60/70 godina prošlog stoljeća kao namjenski objekat za stara i iznemogla lica (starački dom). Izvornost i funkcija su mu jasno čitljivi i tipični su za internacionalni stil arhitekture. Objekat je izuzetno skladnih proporcija i svojim položajem i smještajem u prostoru predstavlja neodvojiv segment kompozicione cjeline u urbanističkoj postavci objekata okolnog prostora. Egzistirajući u izvornom obliku ovaj objekat je rijedak primjerak izvorno stilski sačuvane arhitekture objekata internacionalnog stila u Kantonu Sarajevo.

U vrijeme agresije na BiH i opsade Sarajeva u navedenom objektu se nalazio i štab Armije Bosne i Hercegovine odakle se rukovodila odbrana Trga Heroja, naselja Hrasno, a time i odbrana grada u cjelini, što mu kao takvom daje dodatnu povijesnu vrijednost objekta koji treba zaštititi i radi njegovavanja kulture sjećanja i kao potencijalnog spomen obilježja ili eventualno muzeja jedinice Armije BiH koja je u njemu u tom razdoblju boravila. Zbog toga inicijativu dostavljam i Ministarstvu za boračka pitanja kako bi dali svoje mišljenje i potencijalno podržali inicijativu zaštite ovog objekta.

U vezi svega gore navedenog pokrećem zastupničku inicijativu da Ministarstvo kulture i sporta KS naloži Zavodu za zaštitu kulturno historijskog i prirodnog naslijeđa Kantona Sarajevo da uradi neophodni elaborat o zaštiti gore navedenog objekta u što kraćem vremenskom roku i da isti elaborat dostave Skupštini KS na nadležno odlučivanje o potencijalnom proglašenju ovog objekta od kulturno historijskog značaja za Kanton Sarajevo.

S poštovanjem,

Davor Čičić
Predsjednik kluba zastupnika SDP BiH
u Skupštini Kantona Sarajevo